

385
1952



პროლეტარებო ყველა ქვეყნისა, შეროდით!

საქართველოს საბჭოთა სოციალისტური რესპუბლიკის



უმაღლესი საბჭოს უწყებები

№ 3 (44) 1 ი 3 6 ი ს ი 1952 წელი

შ ი ნ ა ა რ ს ი

საქართველოს სსრ უმაღლესი საბჭოს პრეზიდიუმის მიერ მიღებული ბრძანებულებანი და დადგენილებანი.

- 33. ბრძანებულება აფხაზეთის ასსრ გალის რაიონის სოფელ მარჩხაფონის გადარქმევისა და განახლების სასოფლო საბჭოს შექმნის შესახებ.
- 34. ბრძანებულება პროფესორ ე. მ. გუზიკოვისათვის საქართველოს სსრ ხელოვნების დამსახურებული მოღვაწის წოდების მინიჭების შესახებ.
- 35. ბრძანებულება საქართველოს სახელმწიფო კვარტეტის მონაწილეთათვის საქართველოს სსრ საპატიო წოდების მინიჭების შესახებ.
- 36. მშრომელთა განცხადებებისა და საჩივრების განხილვის მდგომარეობის შესახებ კასპისა და გორის რაიონების მშრომელთა დეპუტატების საბჭოების აღმასკომებში და გორის მშრომელთა დეპუტატების საქალაქო საბჭოს აღმასკომში.
- 37. ბრძანებულება აფხაზეთის ასსრ გაგრის რაიონის ლესელიძის სასოფლო საბჭოდან სოფელ კულტუბნის გამოყოფისა და განთიადის სასოფლო საბჭოზე მიკუთვნების შესახებ.
- 38. ბრძანებულება აშხ. გ. ა. ჯაბუას საქართველოს სსრ სატყეო მრეწველობის მინისტრის მოვალეობისაგან განთავისუფლებისა და საქართველოს სსრ მინისტრთა საბჭოს თავმჯდომარის მოადგილედ დანიშვნის შესახებ.
- 39. ბრძანებულება აშხ. რ. ა. კვიციანიას საქართველოს სსრ სატყეო მრეწველობის მინისტრად დანიშვნის შესახებ.
- 40. ბრძანებულება აშხ. თ. ნ. ევაძის დანიშვნის შესახებ საქართველოს სსრ კინემატოგრაფიის მინისტრად.



საქართველოს სსრ უმაღლესი საბჭოს პრეზიდიუმის ბრძანებულებანი და დადგენილებანი

მმ. ბრძანებულება აფხაზეთის ასსრ გალის რაიონის სოფელ მარჩხაფონის
გადარქმევისა და განახლების სასოფლო საბჭოს შექმნის შეახებ

საქართველოს სსრ უმაღლესი საბჭოს პრეზიდიუმი ადგენს:

დამტკიცდეს აფხაზეთის ასსრ უმაღლესი საბჭოს პრეზიდიუმის წარდგი-
ნება და ეწოდოს გალის რაიონის ნაბაკევის სასოფლო საბჭოს სოფელს მარ-
ჩხაფონს სოფელი განახლება;

განოცდეს გალის რაიონის ნაბაკევის სასოფლო საბჭოს სოფელი განახ-
ლება, ხოლო გაგიდის სასოფლო საბჭოს სოფელი ოკეინორე და შეოქმნას
მათგან განახლების სასოფლო საბჭო ცენტრით სოფელ განახლებაში.

საქართველოს სსრ უმაღლესი საბჭოს
პრეზიდიუმის თავმჯდომარე **ზ. ჩხუბიანიშვილი.**

საქართველოს სსრ უმაღლესი საბჭოს
პრეზიდიუმის მდივანი **ვ. ევნატაშვილი.**

ქ. თბილისი.
1952 წ. 5 მაისი.

მმ. ბრძანებულება პროფესორ ე. მ. გუზიკოვისათვის საქართველოს სსრ
ხელოვნების დამსახურებული მოღვაწის წოდების მინიჭების შესახებ

საქართველოს სახელმწიფო კვარტეტის მონაწილეთა პროფესიული
ოსტატობის ამალგების სისტემატური ხელმძღვანელობისათვის, აგრეთვე
თბილისის სახელმწიფო კონსერვატორიისათვის ხანგრძლივი შემოქმედებითი
დახმარების გაწევის გამო მიენიჭოს საქართველოს სსრ ხელოვნების დამსახუ-
რებული მოღვაწის წოდება მოსკოვის სახელმწიფო კონსერვატორიის პრო-
ფესორს ევგენი მიხეილისძე გუზიკოვს.

საქართველოს სსრ უმაღლესი საბჭოს
პრეზიდიუმის თავმჯდომარე **ზ. ჩხუბიანიშვილი.**

საქართველოს სსრ უმაღლესი საბჭოს
პრეზიდიუმის მდივანი **ვ. ევნატაშვილი.**

ქ. თბილისი.
1952 წ. 19 მაისი.



მმ. ზრძანებულენა საქართველოს სახელმწიფო კვარტეტის მონაწილეთათვის საქართველოს სსრ საპატიო წოდების მინიჭების შესახებ

კამერული მუსიკას განვითარების საქმეში თვალსაჩინო დამსახურებისათვის, აგრეთვე ნაყოფიერი საკონცერტო-შესრულებითი მოღვაწეობისათვის მიენიჭოთ საპატიო წოდება:

საქართველოს სსრ ხელოვნების დამსახურებული მოღვაწისა

ჭიაურელს ზორის ივანეს-ძეს — საქართველოს სახელმწიფო კვარტეტის ხელმძღვანელს.

საქართველოს სსრ დამსახურებული არტისტისა

1. ბარნაბიშვილს გიორგი კირი- — საქართველოს სახელმწიფო კვარტეტის ლეს-ძეს არტისტს.
2. ბეგალიშვილს ალექსანდრე — საქართველოს სახელმწიფო კვარტეტის გრიგოლის-ძეს არტისტს.
3. ხატიაშვილს გივი ვლადიმე- — საქართველოს სახელმწიფო კვარტეტის რის ძეს არტისტს.

საქართველოს სსრ უმაღლესი საბჭოს პრეზიდიუმის თავმჯდომარე **ზ. ჩხუბიანიშვილი.**

საქართველოს სსრ უმაღლესი საბჭოს პრეზიდიუმის მდივანი **ვ. ეგნატაშვილი.**

ქ. თბილისი.
1952 წ. 20 მაისი.

მმ. მშრომელთა განცხადებებისა და საჩივრების განხილვის მდგომარეობის შესახებ კასპისა და გორის რაიონების მშრომელთა დეპუტატების საბჭოების აღმასკომებში და გორის მშრომელთა დეპუტატების საქალაქო საბჭოს აღმასკომში

საქართველოს სსრ უმაღლესი საბჭოს პრეზიდიუმი აღნიშნავს, რომ კასპის რაიონის მშრომელთა დეპუტატების საბჭოს აღმასკომში და კასპის რაიონის სასოფლო საბჭოების აღმასკომებში მშრომელთა განცხადებებისა და საჩივრების განხილვის საქმე დაყენებულია სრულიად არადაამაკმაყოფილებლად. განცხადებებისა და საჩივრების აღრიცხვა მოუწესრიგებელია, უხეშად ირღვევა მათი განხილვის ვადები, ხშირია შემთხვევები განცხადებებისა და საჩივრების განხილვის გაჭიანურების, პასუხის გაცემის დაგვიანებისა და სრულიად გაუცემლობისა. კასპის რაიონის საბჭოს აღმასკომს 1951 წელში მიღებულ 422 განცხადებიდან პასუხი არ უცნობებია 277 კაცისათვის, ე. ი. განმცხადებელთა 65,6 პროცენტისათვის, ხოლო 1952 წლის 28 აპრილამდე მიღებულ 92 განცხადებიდან — 73 კაცისათვის. 1951 წელში გაგზავნილ 145 პასუხიდან 1 თვეზე მეტის დაგვიანებით პასუხი აცნობეს 81 განმცხადებელს, ხოლო 1952 წელში გაგზავნილ 19 პასუხიდან — 16 განმცხადებელს. მაგალითად, მოქ.

ჯანანაშვილს, რომლის განცხადებაც კასპის აღმასკომს გადაეგზავნა საქართველოს კ. პ. (ბ) ცენტრალური კომიტეტიდან 1951 წლის 25 აპრილს (თხოვლობდა კოლმეურნეობის საერთო კრების დადგენილებით ჩამორთმეულ საკარმიდამო ნაკვეთის დაბრუნებას), და რომლის შემოწმებაც დამთავრდა 1951 წლის მაისის თვეში, პასუხი ეცნობა 1952 წლის 5 თებერვალს, ე. ი. თითქმის 10 თვის შემდეგ. მოქ. მაზმიშვილს, რომელმაც 1951 წლის 16 ივლისს შეიტანა განცხადება კასპის რაისაბჭოს აღმასკომში ჩამორთმეული საკარმიდამო ნაკვეთის დაბრუნების შესახებ, და რომლის განხილვაც იმავე თვეში დამთავრდა, პასუხი ეცნობა 1952 წლის 2 თებერვალს, ე. ი. 7 თვის შემდეგ.

კასპის რაისაბჭოს აღმასკომს სრულიად არ განუხილავს 1951 წელში 33 და მიმდინარე წლის 1 მაისამდე 6 განცხადება, მათ შორის მოქ. მოქ. ბაინდურაშვილის, ბიძინაშვილისა და სხვებისა.

კასპის რაიონის აღმასკომსა და მის განყოფილებებში ადგილი აქვს აგრეთვე განცხადებებისა და საჩივრების დაკარგვის შემთხვევებს. კასპის რაიონის ჯანმრთელობის დაცვის განყოფილებამ დაკარგა განცხადება ექიმ შათირიშვილისა, რომელიც ითხოვდა ცნობას იმის შესახებ, რომ ის მუშაობდა კასპის რაიონში ექიმად. დაიკარგა აგრეთვე მოქ. კუდუხაშვილის განცხადება დაბადების მოწმობის გაცემის შესახებ, რომელიც კასპის აღმასკომმა გაგზავნა კასპის „მმაჩის“ განყოფილებაში. სულ კასპის აღმასკომში 1951 წელს და მიმდინარე წლის მაისამდე დაკარგულია 10 განცხადება.

კასპის რაიონის აღმასკომი თითქმის ყოველთვის აგვიანებს პასუხის მიცემას შემდგომი ორგანოებიდან მიღებულ იმ განცხადებებზე, რომლებზედაც ითხოვენ პასუხს. მაგალითად, სსრ კავშირის სოფლის მეურნეობის სამინისტროს დასჭირდა ორი მიმართვისა და ერთი დეპეშის გამოგზავნა იმისათვის, რომ კასპის აღმასკომისაგან 3 თვის შემდეგ მიეღო პასუხი მოქ. ილურიძის განცხადების გამო. ზოგიერთ შემდგომ ორგანოს კი სრულებით არ ეგზავნება პასუხი. მაგალითად, საქართველოს სსრ მინისტრთა საბჭოს 1 მაისისათვის არ მიუღია პასუხი კასპის რაიონის აღმასკომისაგან მოქ. ბეგლარიშვილის განცხადებაზე, რომელიც გადაეგზავნათ მათ 1952 წ. 5 იანვარს, და რომლის განხილვაც დამთავრდა 23 თებერვალს (თხოვლობდა ჩამორთმეული საკარმიდამო ნაკვეთის დაბრუნებას).

სულ 1951 წელში 2 თვისა და მეტის დაგვიანებით აცნობეს პასუხი ზემდგომ ორგანოებს 11 განცხადებაზე 25 განცხადებიდან, ხოლო 1952 წელს 6 განცხადებაზე—11 განცხადებიდან. სულ არ უცნობებიან პასუხი 1951 წელს და მიმდინარე წლის 1 მაისამდე 4 განცხადებაზე.

კასპის რაიონის აღმასკომში არ არსებობს აგრეთვე კონტროლი აღმასკომიდან გაგზავნილ შეკითხვებისა და მოთხოვნების შესრულებაზე, ამის გამო 1951 წელში კასპის რაისაბჭოს აღმასკომის განყოფილებებსა და სასოფლო საბჭოს აღმასკომებში გადაგზავნილ 417 განცხადებიდან პასუხი არ მიუღია 191 განცხადებაზე, ხოლო მიმდინარე წელს გაგზავნილ 82 განცხადებიდან 63 განცხადებაზე.

მშრომელთა განცხადებებისა და საჩივრების განხილვის ვაჭიანურების, პასუხის დაგვიანებით გაცემისა და უყურადღებოდ დატოვების, აგრეთვე ზემდგომი ორგანოებისათვის პასუხის დაგვიანებით შეტყობინების ფაქტებს, ადგილი აქვს გორის რაისაბჭოს აღმასკომშიც. მაგალითად, არაა გარკვეული

რა ბედი ეწიათ 1951 წელს აღმასკომში შესულ მოქ. მოქ. კობლიანიძის, მე-
ლაშვილის, გაბარაშვილის, კარელიძის და სხვების განცხადებებს.

სრულიად უპასუხოდ არის დატოვებული ჯანმრთელობის განყოფილება-
ში შესული მოქ. მოქ. მანჭელაშვილის, სალუქვაძის, ჯანეზაშვილის განცხა-
დებები.

აღმასკომმა არ იცის შედეგი მის მიერ 1951 წ. 4 ივნისს ბერშუეთის
კოლმეურნეობის გამგეობისათვის გაგზავნილ უსახელო განცხადებაზე, რომელ-
შიც აღნიშნული იყო, რომ კოლმეურნეობის საწყობს აკლდა სხვადასხვა
პროდუქტები და რომელზედაც აღმასკომი თხოულობდა პასუხს 1951 წ. 20
ივნისისათვის.

გორის რაისაბჭოს აღმასკომში არის შემთხვევები შემოსული საჩივრების
გამო არასწორი გადაწყვეტილების გამოტანისა. მაგალითად, გორის რაიონის
აღმასკომმა შემოსული საჩივრის შემოწმებით გამოარკვია, რომ სკრის სასო-
ფლო საბჭოს აღმასკომის თავმჯდომარე პ. მამუკაშვილი წლების განმავლობა-
ში არ იხდიდა სახელმწიფო გადასახადებს, უკანონოდ ფლობდა მიწის ნაკ-
ვეთს, მთლიანად არ ჰყავდა აყვანილი აღრიცხვაზე საკუთარი პირუტყვი და
სხვ. მიუხედავად ამ დარღვევებისა, გორის რაიონის აღმასკომი დაკმაყოფილ-
და ამხ. მამუკაშვილისათვის სასტიკი საყვედურის გამოცხადებით. ანალოგიურ
შემთხვევებს ადგილი ჰქონდა კასპის რაიონული საბჭოს აღმასკომშიც.

მიუხედავად იმისა, რომ გორის მშრომელთა დეპუტატების საქალაქო
საბჭოს აღმასკომში მშრომელთა განცხადებებისა და საჩივრების აღრიცხვა
წარმოებს სპეციალურ წიგნში, რომ მათი განხილვა და განმცხადებლებისათ-
ვის პასუხის გაცემა, როგორც წესი, ხდება დროულად, ადგილი აქვს ცალ-
კეულ დარღვევებს.

სახელდობრ, არ შემოწმებულა და არც გადაწყვეტილებაა მიღებული
აღმასკომში 1952 წ. 20 თებერვალს შესულ უსახელო განცხადებაზე, რომელ-
შიც ინდივიდუალური ბინათმშენებელნი უჩიოდნენ ქალაქის საარქიტექტურო
სამმართველოს პროექტებში მეტი ფულის გადახდისა და სახელმწიფოს მიერ
მიცემულ გრძელვადიანი სესხების გაუცემლობას.

დაუდევრად არის შედგენილი აღმასკომის მიერ დაბეჭდილი მიმართვე-
ბის სტანდარტული ბლანკები. პასუხის გაცემა რუსულ ენაზე ხდება უცოდინ-
რად და დამახინჯებით.

გორისა და კასპის რაიონებისა და გორის საქალაქო საბჭოების აღმასკო-
მებს არ განუხილავთ თავის სხდომაზე 1952 წელში საკითხი მშრომელთა გან-
ცხადებებისა და საჩივრების განხილვის მდგომარეობის შესახებ მათ განყო-
ფილებებსა და სასოფლო საბჭოების აღმასკომებში-

შემოწმებულ აღმასკომებში და მათ განყოფილებებში ცუდათაა დაყენე-
ბული ნთხოვნელთა მიღების საქმე. აღმასკომები საჩივრებისა და განცხადებე-
ბის განხილვა-შემოწმების საქმეში სრულებით არ იყენებენ ადგილობრივი
საბჭოების დეპუტატებს.

საქართველოს სსრ უმაღლესი საბჭოს პრეზიდიუმი ადგენს:

1. მშრომელთა საჩივრებისა და განცხადებების განხილვის საქმისადმი
უპასუხისმგებლო, უსუსულგულო და ბიუროკრატიული დამოკიდებულების გამო,
დაისვას საკითხი კასპის რაიონის მშრომელთა დეპუტატების საბჭოს აღმას-
კომის თავმჯდომარის ამხ. გ. მერებაშვილის მოხსნის შესახებ.

2. ქ. გორის მშრომელთა დეპუტატების საბჭოს აღმასკომის თავმჯდომარეს ამხ. ნ. ჩუბინიშვილს და გორის რაიონის მშრომელთა დეპუტატების საბჭოს აღმასკომის თავმჯდომარეს ამხ. ზ. თავზარაშვილს მშრომელთა განცხადებებისა და საჩივრების განხილვის საქმეში არსებულ დარღვევათა გამო გამოეცხადოთ საყვედური.

3. დაევალოს კასპისა და გორის რაიონების და ქალაქ გორის მშრომელთა დეპუტატების საბჭოების აღმასკომებს:

ა) უმოკლეს დროში აღმოფხვრან ამ დადგენილებაში აღნიშნული ნაკლოვანებანი და ძირფესვიანად გარდაქმნან მუშაობა მშრომელთა განცხადებებისა და საჩივრების განხილვის საქმეში;

ბ) მოაწესრიგონ რაიონული აღმასკომების განყოფილებებში და სასოფლო საბჭოებში განცხადებებისა და საჩივრების აღრიცხვა და დროზედ აცნობონ განმცხადებლებს საჩივრებისა და განცხადებების გამო მიღებული გადაწყვეტილებების შესახებ;

გ) უზრუნველყონ განცხადებებისა და საჩივრების აუცილებელი განხილვა კანონით დადგენილ ვადებში (არაუგვიანეს 7 დღისა საბჭოთა არმიელების განცხადებებისა და 20 დღისა დანარჩენი განცხადებებისა);

დ) განცხადებებისა და საჩივრების შემოწმება დააკისრონ რაიონული საბჭოს აღმასკომის პასუხისმგებელ მუშაკებს, აგრეთვე ჩააბან ამ მუშაობაში დეპუტატები;

ე) სისტემატური კონტროლი გაუწიონ აღმასკომების განყოფილებათა და სასოფლო საბჭოების აღმასკომების მუშაობას მშრომელთა განცხადებებისა და საჩივრების განხილვის საქმეში, პერიოდულად მოისმინონ აღმასკომების სხდომებზე განყოფილებათა გამგეებისა და სასოფლო საბჭოების აღმასკომების მოხსენებანი აღნიშნულ საკითხზე; მკაცრი პასუხი მოსთხოვონ თანამდებობის პირებს, რომლებიც უპასუხისმგებლოდ მოეკიდებიან განცხადებებისა და საჩივრების განხილვის საქმეს;

ვ) გააუმჯობესონ მოქალაქეთა მიღება რაიონული საბჭოების აღმასკომებში და აღმასკომების განყოფილებებში.

4. დაევალოს კასპისა და გორის რაიონების მშრომელთა დეპუტატების საბჭოების აღმასკომებს და ქ. გორის მშრომელთა დეპუტატების საბჭოს აღმასკომს ერთი კვირის ვადაში განიხილონ ეს დადგენილება აღმასკომის სხდომებზე და მიიღონ საჭირო ზომები მის შესასრულებლად. წარმოუდგინონ საქართველოს სსრ უმაღლესი საბჭოს პრეზიდიუმს 1952 წლის 1 სექტემბრისათვის ანგარიში ამ დადგენილების შესრულების შესახებ.

5. აღნიშნული დადგენილება დაეგზავნოთ თბილისისა და ქუთაისის მშრომელთა დეპუტატების საოლქო საბჭოს აღმასკომებს, აფხაზეთისა და აჭარის ასსრ უმაღლესი საბჭოს პრეზიდიუმებსა და მინისტრთა საბჭოებს, სამხრეთ-ოსეთის ავტონომიური ოლქის მშრომელთა დეპუტატების საბჭოს აღმასკომსა და საქართველოს სსრ მშრომელთა დეპუტატების რაიონულ და საქალაქო საბჭოების აღმასკომებს.

საქართველოს სსრ უმაღლესი საბჭოს
პრეზიდიუმის თავმჯდომარე ზ. ჩხუბინიშვილი.

საქართველოს სსრ უმაღლესი საბჭოს
პრეზიდიუმის მდივანი ვ. ეგნატაშვილი.



37. ბრძანებულება აფხაზეთის ასსრ გაგრის რაიონის ლესელიძის სასოფლო საბჭოდან სოფელ კულტუბნის გამოყოფისა და განთიადის სასოფლო საბჭოზე მიკუთვნების შესახებ

საქართველოს სსრ უმაღლესი საბჭოს პრეზიდიუმი ადგენს:

დამტკიცდეს აფხაზეთის ასსრ უმაღლესი საბჭოს პრეზიდიუმის წარდგინება, გამოეყოს გაგრის რაიონის ლესელიძის სასოფლო საბჭოს სოფელი კულტუბანი და მიეკუთვნოს ამავე რაიონის განთიადის სასოფლო საბჭოს.

საქართველოს სსრ უმაღლესი საბჭოს
პრეზიდიუმის თავმჯდომარე **ზ. ჩხუბიანიშვილი.**

საქართველოს სსრ უმაღლესი საბჭოს
პრეზიდიუმის მდივანი **გ. ეგნატაშვილი.**

ქ. თბილისი.
1952 წ. 28 მაისი

38. ბრძანებულება ამხ. გ. ა. ჯაბუას საქართველოს სსრ სატყეო მრეწველობის მინისტრის მოვალეობისაგან განთავისუფლებისა და საქართველოს სსრ მინისტრთა საბჭოს თავმჯდომარის მოადგილედ დანიშვნის შესახებ

განთავისუფლდეს ამხ. გიორგი ანდრიას-ძე ჯაბუა საქართველოს სსრ სატყეო მრეწველობის მინისტრის მოვალეობისაგან და დაინიშნოს საქართველოს სსრ მინისტრთა საბჭოს თავმჯდომარის მოადგილედ.

საქართველოს სსრ უმაღლესი საბჭოს
პრეზიდიუმის თავმჯდომარე **ზ. ჩხუბიანიშვილი.**

საქართველოს სსრ უმაღლესი საბჭოს
პრეზიდიუმის მდივანი **გ. ეგნატაშვილი.**

ქ. თბილისი.
1952 წ. 28 მაისი.

39. ბრძანებულება ამხ. რ. ა. კვიციანიას საქართველოს სსრ სატყეო მრეწველობის მინისტრად დანიშვნის შესახებ

დაინიშნოს ამხ. რაფიელ არტემის-ძე კვიციანია საქართველოს სსრ სატყეო მრეწველობის მინისტრად.

საქართველოს სსრ უმაღლესი საბჭოს
პრეზიდიუმის თავმჯდომარე **ზ. ჩხუბიანიშვილი.**

საქართველოს სსრ უმაღლესი საბჭოს
პრეზიდიუმის მდივანი **გ. ეგნატაშვილი.**

ქ. თბილისი.
1952 წ. 28 მაისი.

40. ბრძანებულება აშხ. ო. ნ. ეგაძის დანიშვნის შესახებ საქართველოს
სსრ კინემატოგრაფიის მინისტრად.

დაინიშნოს აშხ. ოთარ ნიკოლოზის-ძე ეგაძე საქართველოს სსრ კინემა-
ტოგრაფიის მინისტრად.

საქართველოს სსრ უმაღლესი საბჭოს
პრეზიდიუმის თავმჯდომარე **ზ. ჩხუბიანიშვილი.**

საქართველოს სსრ უმაღლესი საბჭოს
პრეზიდიუმის მდივანი **ვ. ეგნატაშვილი.**

ქ. თბილისი.
1952 წ. 31 მაისი.